



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Neæræ puellæ, cui. P. Summontius exequias celebrat.

urn:nbn:de:hbz:466:1-13534

VARIANA E PVELLAE.

Carbo soluit inferias.

Hos habet infelix tumulos Variana, nec ulli
Iuncta toro, nulli iuncta puella viro.
Ut posita est loculis, miseri post funus amantes,
Munera cum lacrimis multa dedere suis.
Primus at è cunctis Carbo moestissimus illi
Constituitq; aras, & statu sacra facit.
Condidit & loculis manes, lauitq; sepulcrum
De lacrimis. lacrimæ tristia busta rigant.
Nona dies aderat. florent ad marmora thymbrae,
Thymbra tegit tumulos marmora thymbra tegit.
Conueniunt & apes, & mella liquefiant carpunt.
Dicta q; Thymbrea est, quæ Variana fuit.
Hæc tibi Carbo tuus Thymbrea. hinc mella sepulcro.
Lecta legunt & apes, hinc tibi et illa fluunt.

NEAERAE PVELLAE. P.SVM-
montius celebrat exequias.

Hos cineres breuis urna (at non leue nomen in urna
Scribitur. hic posita est pulchra Neæra) tegit.
Ah crudele genus diuorum. hic pulchra Neæra
Est posita. hos cineres & breuis urna tegit.
At non urna breuis tegit, aut leue nomen in urna est.
Quam Charites seruant, Pieridesq; deæ.
Illam Petrus amat summontius, hicq; Neæram
Plorat & ad tumulos, fertaq; dat tumulus.
Ast Petrum Charitesq; colunt, Musæq; tuentur,
Inde nec urna breuis, nec leue pondus habet.

TVMVLORVM
Sis felix, longumq; uale dis grata Neæra,
Et tibi defunctæ crescat amantis amor.

LAVRAE ARCELIÆ uxoris
Antonij Panhormitæ.

Elysiae nunc te ualles, & opacæ uiretæ,
Elysius nunc te Laura recessus habet.
Nunc interq; hederas, interq; uirentia sertæ,
Coniugis optato Laura fouere finu.
Ille canit tua ab ore uiri dum lumina pendens
Interea Elysius spicula tergit amor.
Quis castas iterum figit sub corda puellas,
Et renouat fidi uincula coniugij.
Quis rursum Euadne, rursum quoq; Penelopea,
Et rursum ueteres sentit Elisa faces.
Gaudet Laura tuo rursum coniuncta marito,
Tuq; marite nouam gaudet & inire fidem.
Antoni Elysiae celebrant Hymenæon & auræ,
Et Lauræ castos florida prata toros.
Viuite felices umbræ, thalamoq; iugali
Læta agite, & parili munera obite fide.

LVNAE PVELLAÆ ipsa loquitur.

Ne me, ne rogo terra tegat. sinito aera apertum,
De granet & cineres tegula nulla meos.
In Lauri hic tantum titulus sit cortice. Luna
Hinc abij adsuperos. non mihi terra placet.
Manibus & Lunæ pateat cœlum, ossaq; & artus
Condas sub tacito tu Charitæ finu.